

«Ina chasa da medias da las Alps a Cuira è ina schanza per RTR e la Svizra rumantscha»

CUN MARIANO TSCHUOR
HA DISCURRÌ MARTIN CABALZAR

■ Oz venderdi e damaun sonda s'entaupan en la chasa dal cussegli grond a Cuira pli che 100 persunas da l'entir territori da las Alps per discutar davart las pussaivladads da realisar ina chasa da medias da las Alps. Quai èn represchentantas e represchentants da la politica, da la societat, da las medias, d'organisaziuns nungouvernementalas, da la cultura, turissem, economia. L'impuls per questa discussiun è vegnì da RTR. La Quotidiana ha perquai vuli savair da Mariano Tschuor, il directur da Radio e Televisiun Rumantscha, daco che RTR ha lantschà questa discussiun.

Mariano Tschuor, il territori das Rumantschs e da las Rumantschas devantza adina pli pitschen, uss vul RTR engrondir ses territori d'acziun cun ina Chasa da medias da las Alps? In pau vanagloria tar RTR?

Mariano Tschuor: RTR è e resta in'unitat d'interresa da la SRG SSR cun ina clera incumbensa: producir programs audiovisuals ed in'offerta multimediala per rumantsch. Sin questas secturs publicisticas ha RTR recautgà i ultims onns e decennis experientscha e cumpetenza. Qua tras pudain e lain nus crear e rinforzar in'identitat alpina che posseda elements idèntics en tut las valladas da l'art alpin, sur tuts cunfins geografics e linguistics, da Nizza a Ljubljana. Nus avain dà l'impuls, nus avain fatg las lavurs d'iniziacion. L'interess è grond. RTR na vegn dentant betg ad esser il pertader da «Las-Alps-infoteca». Nus essan in partenari, ina ferma speranza, e collavurain activamain.

RTR ha inizià la discussiun

Daco ha RTR insumma gi' quest'idea?

Cura ch'jau sun vegnì elegi directur da RTR ils 8 da settember 2008 e surpiglià quest uffizi il 1. da matg 2009 hai jau fatg la dumonda a mamez: Tge pussaivladads da svilup ha RTR anc? Nus avain alura créà il motto strategic: mantegnair – cooperar – acquistar. Entaifer la Svizra rumantscha èn las pussaivladads da svilup limitadas per RTR. Nus pudain dentant acquistar novas cumpetenças. Er ordaifer territoris linguistics e geografics. Nus pudain acquistar novs spazis d'acziun. Perquai l'idea da «Las-Alps-infoteca» sco plattaforma transalpina per las medias e per tut las personas che lavuran sin quest sectur. Nus considerain quai sco schanza unica per RTR ed era per la Svizra rumantscha. Gea, quai è ina tscherta avertura. Nus avain mussà en questi ultims onns che nus esan abels da realisar products dad auta qualitat che vegnan registrads era da nostra concurrence. Ins dastga bain dir che RTR ha documenta sco mo paucs vita e lavur d'ina societat linguistica minura. Jau less menziunar nossa vasta producziun da musica e chant che nus producim dapi blers onns. Ma er ils films da la Televisiun Rumantscha che vegnan mussads cun success a festivals da film internaziunals. Sco exempli pli nov, il film da Gion Tschuor «Buob, queschal» sur da l'abus sexual da buobanaglia pladida antruras sco fameglia si d'alp u la retscha davart las cuminanzas linguisticas minuras en l'Europa producida da Ruedi Bruderer e Bertilla Gossi.



Mariano Tschuor: «La Chasa da medias en las Alps è in project communabel transnational.»

Exista insumma in martgà ed ina retschertga per in tal project?

Il martgà èn quels 13 milliuns abitants da las Alps, ma era tut quellas persunas ordaifer l'art alpin cun gronda affecziun per quest territori. Adina puspè datti dumondas da stazions da radio e televisiun da tut l'Europa che vulan purtrets u raports complets dad eveniments or da noss territori. Ultra da quai survegnin nus era dumondas per intermediar experts da quai e da tschai. E sin nossa infurmaziun da questa primavaira cura che nus vain preschentà l'idea da «Las-Alps-infoteca» avain nus survegnì reacciuns da pliras varts: da medias, instituziuns, administraziuns, NGO's dals differents pajais da las Alps.

«Las-Alps-infoteca» è seguir in'idea simpatica, pertge gist a Cuira?

Cuira è la chapitala dad in chantun triling, tar nus è la plurilinguitad ina chaussa normala. Cuira è ina citad en las Alps. Cuira è il center da las Alps – la distanza da Nizza a Cuira u da Vienna a Cuira è pli u main la medema. Cuira è cuntanschibel fitg bain da tuttas varts, saja quai cun il tren u cun l'auto. Cuira schai sin la lingua d'ina transversala nord-sid impurtanta. Cuira ha in'infrastructura ch'empermetta da realisar la chasa da medias en quest lieu e Cuira daventa adina dapli er in lieu da scolaziun e furmaziun.

Mantegnair – cooperar – acquistar

Center geografic da las Alps è gist, ma è in tal project betg in pau illusoric, memia grond per RTR?

legaziun dal parlament svizzer en las organisaizuns da l'Europa, l'Uffizi federal per communicaziun (Ufcom), las organisaizuns rumantschas etc.

Tge duai insumma esser «Las-Alps-infoteca»?

Quai resorta dal num: Las Alps è il territori d'acziun ed infoteca, che vul dir nagut auter ch'ina colleccziun dad infurmaziuns, exprima l'acziun sasezza. Nus discurrin uschia d'ina plattaforma per in barat d'infurmaziuns da l'entir territori da las Alps. «Las-Alps-infoteca» è uschia ina pitschna interresa che collavura cun outras interresas da medias per intermediar products existents.

Ed en la practica, co duai quai funcziunar?

Sch'in client da «Las-Alps-infoteca» ha realisi per exemplu in film davart la perscrutaziun da l'adattazion dal luf u da l'urs a novas situaziuns en las Alps dapi ch'ils nurses possedan il chauns da nurss po el laschar intermediar ses product sin questa nova plattaforma. Il medem è pussaivel era cun texts, fotografias, tuns originals u intervistas da radio.

Tge po RTR contribuir per ina chasa da medias da las Alps?

Noss'expertscha da realisar, producir e distribuir texts, tuns e maletgs. In'expertscha professiunala schurnalistica. Ma era nossa expertscha da chattar soluziuns adequatas a las pussaivladads dadas entras las resursas umanas (personal) e finanzialas. Gist sco Rumantschs stuan nus exercitar di per di da chattar soluziuns commensuradas a quai che nus pudain realisar.

Vus avais discurri da partenaris. Tgi duain u san quels esser?

Quai pon esser: interresas da medias publicas u privatas, administraziuns (stadi, chantuns, l'Uniu europeica, provinzas u regiuns autonomas), organisaizuns nungouvernementalas, la Cipra, instituziuns da furmaziun (scolas autas).

13 millions abitants en las Alps

Oz e damaun sonda s'entaupan a Cuira represchentantas e represchentants da l'entir artg alpin, da Nizza fin a Vienna. Tge è l'intent da questa dieta?

In intent è quel da propagar noss'idea. Nus vulain savair sche questa croda sin terren fritgavel. Perquai avain nus envidà partenaris potenzials sco gist menzùnà. Da la partida èn dentant era persunas che furman il maini public, persunas da la vita publica, ma era schurnalistas e schurnalists. A la fin da la dieta sonda da mezdi vulain nus installar ina gruppera da lavur che prepara la funaziun per la fasa da svilup. Quella vegn realisada 2011 e 2012. Per quai basegnain nus 500 000 euros.

Vus avais preparà per ils participants e las participantas ina vasta documentaziun per la dieta nua che vus avais era skizzà cun ils Milestones in plan da realisaziun concret. Tenor quel vul «Las-Alps-infoteca» cumenzar cun sia lavur en in onn e mez. È quai realistic?

In tant da la realitat pudain nus influenzar, in tant è chaussa da l'andament e dal svilup da las lavur. Franc: «Las-Alps-infoteca» è in project ch'ins na po betg realisar dad in di sin l'auter. Quai è in project transnazional, sche berg internaziunal, in project che dovrà uschia er in pau energia supplementara. El è era dictà da criteris ch'ins na po betg influenzar: La Svizra na fa betg part da l'Uniu europeica. Per la finanziazion è quai dischavantagius. Patratgain als criteris per in project Interreg ch'en definids claramain.

Il crap da stgaritsch pudess pia davanlar la finanziazion? Tgi porta oz il schec grond a Cuira?

Probablament anc nadin. Nus lain dentant motivar ils pli blers pussaivel dad instradar cuminavlamain la partenza «Las-Alps-infoteca». La dieta da Cuira duai preparar il terrain per construir la chasa da medias da las Alps. Finalmain è quai in'investiziun en favur da las Alps e ses abitants che vivan e lavuran en quest spazi unic.

Sustegn da Walpen e de Weck

... ma las chasas da medias ston tuttas spargnar, co motivar concurrent(a)s che quel(la)s duain investir en ina chasa da medias da las Alps cuminavla?

En il Grischun po la chasa da medias Südostschweiz esser in Goliath, en la Svizra in David ed en l'Europa in nadin. Quai vala a moda anc pli expri-mida per RTR. Insumma, per las bleitas chasas da medias, privatas u dal service public. Per garantir ina tscherta autonomia da quellas e per betg esser «lagutidas» en intgins onns dals multis internaziunals stoï dar collavuraziun. Perquai: «Las-Alps-infoteca» è in project da cuminanza. Ella è nagina concurrenza per products existents, mabain duai rinforzar quels. Dar a quels ina plivalur.

E co statti cun las personas che duain lavurar per «Las-Alps-infoteca»? Quai na vegnan betg mo ad esser Rumantschas e Rumantschs?

Quai pon esser Rumantschas e Rumantschs e quai èn en mintga cas persunas plurilinguas cun qualificaziuns specificas per ina lavur tar in product internaziunal: expertAs che fan lavur schurnalistica, traducturAs, specialis-tAs da grafica, multimedia forsa er informatica. En mintga cas: «Las-Alps-infoteca» po procurar pliras plazzas da lavur cun qualificaziuns fitg specificas, damai posts da lavur interessants. Nus sperain naturalmain che tschertas lavurs per «Las-Alps-infoteca» portian era sinergias ad RTR e als meds rumantschs da print.

Questa saira cumenza la dieta – è quella insumma publica?

In public interessà po perseguir la dieta en la chasa dal cussegli grond (vegner program agiuntà). Nus vain plaschiar da mintgin e mintgina che vul s'infumar directamain da quest project per ina chasa da medias da las Alps. Quest interessà po er esser in attest da sustegn.